

## Téerëe bíní Yúdf rë Kúnsëe

Yee daa unna bíní Yúdf rë. Unna nék helay ow, wa bíníyú ílí jañii ow yéeh rí, te wa na sampi mada' a yee hom filiḅ uni ana fa bíní Peer ra.

Unna won sun fi yëeddëh yí paḍḍah ya, wa fa kaañu Koope te fahuu pes-neḅ kep yaa haalu filiḅ fi ḅëy ílí jaṅaa ra. Daaha, filiḅ unna, Yúdf teeḅpe ḅëy ílí jaṅaa ḍee nay kéendḍee Koope neeḅi sun fi ḅëewí yaa ra, ti di húmú paga' ri ḅëy Sodom a Gomoor ra nen.

Di wonte wa fi ḅëy ílí jaṅaa biti ḅal, wa ham ngémë híin, wa ḍage Koope faraah, wa habra' ḅëewë yíih yee nay waa géme rë.

Bëyí fi jañi téeríi bee ḅéeḅ ay ot biti unna diñke naam, ndaa wa mín ḅedda' ow, nda ḅëe' ḅaatti ham ngémí.

### Wodoha

<sup>1</sup> Don fa dëek Baap-Koo ra, so' mi Yúdf súrgíi Yéesú-Kiristaa, so' mi koy-yaafi Saak, daa mi na wodoh ron. Baap-Koo faha'te ron ḍon fa yefru Yéesú-Kiristaa ra.

<sup>2</sup> Koope teeḅa ron naa'i-keeñi mínéh ḍúm, hëp rën jaamma, faha' ron faha'i mínéh ḍúm !

### Yii leñke yëeddëh yí paḍḍah ya na

<sup>3</sup> Don fa faha' mi níi faha' yee ra, mi húmú sawoorte bíníi ron yii leñke mújë boku yen ra lool. Ndaa lahte yii tahte leegi mi mínéh ron ḅanti bíní, mi cagoh ron, ḍon haa' ḍon ham ngémë on Koope ḅëewí rë híin. Ngémí baa daa ri bee ona' ri waal yínë kut teempe waali yíníi baa faw ra. <sup>4</sup> Ndah lahte ḅëewí kaañute Koope haalute filiḅ fon ndaṅka, na wonu biti mali Koope tahte ow mín pañ yii

ḥosi neḃa' ri ḃéeḃ. Wa kaa'uute yúhí Yéesú-Kiristaa, ḃi fa kut daa Kélfíi yen a Yíkíi yen ḃa. Húmú maañutee bíníyú Téerée bití Koope ay daan wa fi ḃëewí ḃossi yah.

<sup>5</sup> Yee nay mi ron wone bee ra, ḃon yúhúte rí níi lante naam, ndaa mi faha' bití rek mí nérís rën ḃí. Nérsíi bití Koo-Yíkée húmú sēmlē'té ḃëewí ḃúhíḃté wē Ésíp. Filoon fi baaha, ḃi happe yee kaa'uu gém ḃii na waa na ra húl. <sup>6</sup> Nérsíi ḃal yee kat malaaka ya húmú heefu sañ-sañ yed wa Koope ra níi wa koluute tígē húmú tíkú wē rē. Koope hampe wa pokalsa'te, ḃekke wa tígí ñúussé túḃ yeffe wa na níi yiin bisi gaana nay rii aattiyee éldúnē rē. <sup>7</sup> Nérsíi ḃal yee húmú kat ḃëy Sodom a ḃëy Gomoor a ginna húmú hatni baaha ra. Wa húmú pesuu ḃos ti malaaka yi yaa nen, wa húmú saamute fanoh a i mbínéeffí bokuuy a wa.✧ Tígē homuu wa bee ra, wa daanute ḃekute kíi kíi nē yíméh níi kiri fi kiri ra. Baa daa teeḃ ḃëewē yee nay kate ḃëyí paga' ḃos ra.

<sup>8</sup> ḃëewē haalu filiḃ fon yaa ra madu ti ḃëy ginni yaa nen kep. Wa níḃúu iñi saku sako, wa ñeye pagaḃḃi ḃossa na sobeyil faanni wa ra, faaliyuuy Koope anti sole mbínéeffē sun. <sup>9</sup> Añcaḃ Misel a faanaḃ fi, ḃi fa daa kélfíi malaaka ya ra sah, húmú poo'uu ḃani Seytaane filoon di yii lenke ḃúudé fí Mëyíis rē, ḃi kaañay sol Seytaane. ḃi won ḃi wono rek tih : « Yíkée ḃémpí bēp afu ! » <sup>10</sup> Ndaa, ḃëewē haalu filiḃ fon yaa ra soluu yii wa yíih rí. Yee yúhú wē rē, wa yúhúu wē yúhēḃ raḃ, wa na níḃíh, te iñyaa daa nay tahe wa saḃku. <sup>11</sup> Wa torohute ndah wa ñeyu kotti Kayeḃ✧ ; wa helute waala wun ḃa ndah hélíis, ti di na húmú paga' ri Baalam✧ nen ; wa tíkúu Koope af ti di húmú tíkē' Kore Koope af nen. Yii baa daa tah wa

✧ 1:7 1.7 Saame Dalaana 19.1-25 ✧ 1:11 1.11 Saame Dalaana 4.1-16

✧ 1:11 1.11 Saame Kíní ḃëy Israyel 22.1-35 ; 31.16

sarjkuyute ti Kore<sup>☆</sup> nen. <sup>12</sup> Ayi wa ndaje ílí jaŋaa koma' gace, ndah wa yípírúu yípírëe hécé fíi yí wë te në sèpíih në dara. Wa madu nérrí lahay muluᅇ ngilaaw ma na kúdf wë nen. Wa kilikki na líméh koy ! Wuti wahtii wa lah raa sah, wa líméh koy ! Hen ᅇaa raa, wa lecuu tal-tal ka, wa húlë' yínë faw. <sup>13</sup> Bëewë haalu filiᅇ fon yaa ra madu a mboowaanni gaanna kísí fë nen. Iñi sèpírë' yë na pagu wa ra mada' a lossa na bet mboowaanna tíñ kísí fë rë nen. Wa madu a hulla na hëmíh ílíy yínë rë nen. Hulli yah, Koope helidte wa tík tígë lukki ñúus ᅇë, wa hom daaha faw.

<sup>14</sup> Henok<sup>☆</sup> fa non jamanii paana fa dala'te Aadama ra húmú mañcee won yii leŋke ᅇëwí yaa na won tih : « Síkírí ! Yíkëe ac ayo a malaaka yi sela yi, yí caakute níi caak, <sup>15</sup> ᅇi aattiya' ᅇëwë ᅇéᅇ. Di ay daan ᅇëwë tíkúu rí af ra ᅇéᅇ ndah pagaᅇᅇi kaañ-Koope ya ᅇéᅇ na paguu wa a kaañ-Koo ra. Wa fi bakaaroh ya kaañu Koope yaa ra, Koope ay waa daan ndah solla solu wa ri ra ᅇéᅇ ᅇal. » <sup>16</sup> Wa fi ᅇëwí yah, keeññi wa déké' haay, wa dékúu wonaaloh. Wa fahuu pes-neᅇ, neᅇute ᅇúk, te wa laas ow ᅇeef séentúu në yin.

<sup>17</sup> Don fa faha' mi níi faha' yee ra nék, nérsíi unna húmú wonu apootarri Yéésú-Kiristaa Yíkíi yen filoon ᅇa. <sup>18</sup> Wa húmú wonu ron tih : « Míllëen jamanu, ay lah ᅇëwí ay ayee ñaawla' te wa ay pesee fah pes-neᅇ ndah kaañ-Koo. » <sup>19</sup> Wa fi yaa daa ᅇaralsuu koy-yaayya filiᅇ ngémë. Wa níᅇúu iñi èldúnë kep, Ruuhi Koope íñh waa na. <sup>20</sup> Ndaa, ᅇon fi yee faha' mi níi faha' yee ra, pëgí ᅇéᅇ ᅇon pokoh yee gému ron te kola' Koope na ra, ᅇon saye. Lah ᅇëgí Koope faraaᅇ, Ruuh-Peseᅇ ᅇedda' ron na. <sup>21</sup> Pëkíi faha' a faha' ron Koope ra, ᅇon sehe Yéésú-Kiristaa Yíkíi yen, ᅇi

☆ 1:11 1.11 Saame Kíni ᅇëy Israyel 16.1-35 ☆ 1:14 1.14 Saame Dalaana 5.18-24

fa nay yen teebe naa'-keñ bití wahtaa lah, on yen pesa na đúméh rë.

<sup>22</sup> Lah yérmí ðëewë lahu nuf ana yee nay waa gémé rë, đon habra' wa. <sup>23</sup> Lahte na yí fí yúhté bití pagađđi wa saañ waa ðeke sanju. Kon, fúulí wë në. Yaa aa na nék, lah yérmí wë, ndaa lah héli nuf waa na. Ngënë lébí sah yii daa wa lahuu ri ní luka' búubðée ké wë sobe ndah pagađđi ðossi wa ra.

<sup>24-25</sup> Koope laha ndam, đí fa daa mín đon kaa' keen bakaad, cëgíđ đën fíi đí fa líif a ndam ra, đon lëhíh síkkë, keeññon sos. Đí fi Koope, đí fa yínë kut đá, đí fa ñeya' Yéésú-Kiristaa Yíkíi yen na sëmlë'té yen đá laha ndam, lah doole, katan a sañ-sañ dala'te bín fë, a dee níi kiri fi kiritih ! Đémíin !

## Séréel Ndút: Unni Koope

Ndut: Séréel Ndút: Unni Koope (New Testament+)

copyright © 2020 Wycliffe Bible Translators, Inc.

Language: (Ndut)

Contributor: Wycliffe Bible Translators, Inc.

All rights reserved.

2020-11-19

---

PDF generated using Haiola and XeLaTeX on 14 Jun 2022 from source files dated 13 Jun 2022

a3a1238b-9393-5875-a4c5-1d3f38537bfe